

Na osnovu Odluke Vlade Tuzlanskog kantona o odobravanju novčanih sredstava za sanaciju (rehabilitaciju) lokalnih i nerazvrstanih cesta na području Tuzlanskog kantona potrošačka jedinica 22010001, broj: 02/1-11-26034/21 od 09.11.2021. godine, Javna ustanova Direkcija regionalnih cesta Tuzlanskog kantona, objavljuje:

JAVNI POZIV
za raspodjelu novčanih sredstava za projekte sanacije (rehabilitacije) lokalnih i
nerazvrstanih cesta na području Tuzlanskog kantona

I

Predmet javnog poziva je raspodjela novčanih sredstava za projekte sanacije (rehabilitacije) lokalnih i nerazvrstanih cesta na području Tuzlanskog kantona do iznosa od 2.100.000,00 KM koji je odobrila Vlada Tuzlanskog kantona sa potrošačke jedinice 22010001 - Ministarstvo trgovine, turizma i saobraćaja (u daljnjem tekstu: Ministarstvo), ekonomski kod 615300, subanalitika MA0001, funkcija 0451 – Kapitalni transferi neprofitnim organizacijama - Rekonstrukcija i sanacija lokalnih puteva - na transakciji račun JU Direkciji regionalnih cesta TK (u daljem tekstu: Direkcija), a u skladu sa uslovima i kriterijima za raspodjelu novčanih sredstava navedenih u Odluci Vlade Tuzlanskog kantona o odobravanju novčanih sredstava za sanaciju (rehabilitaciju) lokalnih i nerazvrstanih cesta na području Tuzlanskog kantona potrošačka jedinica 22010001, broj:02/1-11-26034/21 od 09.11.2021. godine (u daljem tekstu: Odluka Vlade Tuzlanskog kantona).

II

Osnovni kriteriji za raspodjelu novčanih sredstava utvrđeni u Odluci Vlade Tuzlanskog kantona su:

- da se projekti sanacije (rehabilitacije) odnose na mrežu lokalnih i nerazvrstanih cesta na području Tuzlanskog kantona,
- da se radi o projektima sanacije ili rehabilitacije lokalnih puteva,
- da zahtjev sadrži najmanje predmjer i predračun radova propisno ovjeren, sa svim potrebnim elementima,
- da se projekti ne odnose na izgradnju objekata na putu (mostova, vijadukta, nadvožnjaka, podvožnjaka, propusta i drugih objekata).

III

Potrebna dokumentacija za podnošenje zahtjeva na javni poziv u skladu sa Odlukom Vlade Tuzlanskog kantona je:

- potpisan i ovjeren zahtjev nadležne lokalne samouprave (grad/ općina) ili mjesna zajednica na čijem području se nalaze lokalne ili nerazvrstane ceste i
- najmanje predmjer i predračun radova koji je ovjeren od strane ovlaštenog lica, čiji se status utvrđuje izvodom iz sudskog registra (original ili ovjerena fotokopija).

U slučaju odobravanja projekta mjesne zajednice, isti će biti realizovan uz saglasnost jedinica lokalne samouprave (grad/općina).

IV

Direkcija će sačiniti Prijedlog Odluke o odobrenim projektima sanacije (rehabilitacije) lokalnih i nerazvrstanih cesta na području Tuzlanskog kantona koji su zadovoljili kriterije iz Odluke Vlade Tuzlanskog kantona i dostaviti Ministarstvu radi upućivanja na razmatranje Vladi Tuzlanskog kantona.

Na prijedlog Ministarstva, Vlada Tuzlanskog kantona donosi Odluku o odobrenim projektima sanacije (rehabilitacije) lokalnih i nerazvrstanih cesta na području Tuzlanskog kantona, koja će biti objavljena na web stranici Vlade Kantona i Direkcije.

Direkcija će formirati komisiju koja će kontinuirano raditi na obradi zahtjeva, provjeri ispunjavanja uslova i ispunjavanju kriterija iz tačke II Javnog poziva te ukoliko broj prijava bude premašio raspoloživi iznos sredstava prije isteka roka od deset dana, zatvoriti javni poziv. Direkcija će obavijestiti o zatvaranju javnog poziva putem web stranice Vlade TK i web stranice Direkcije regionalnih cesta TK.

Nakon donošenja Odluke o odobrenim projektima sanacije (rehabilitacije) lokalnih i nerazvrstanih cesta na području Tuzlanskog kantona od strane Vlade Kantona, Direkcija će sklopiti sporazum o saradnji u realizaciji projekata sa nadležnim jedinicama lokalne samouprave kao upraviteljima cesta.

V

Javni poziv ostaje otvoren do utroška sredstava iz tačke I Javnog poziva, a najduže deset dana od dana objavljivanja. Javni poziv će biti objavljen na web stranici Vlade Tuzlanskog kantona i web stranici Direkcije.

Prijave na javni poziv sa propisanom dokumentacijom dostavljaju se u zatvorenoj koverti na protokol Direkcije regionalnih cesta TK, u ulici Albina Herljevića broj 43, 75000 Tuzla, kancelarija broj 8 sa naznakom „Prijava na javni poziv za raspodjelu sredstava za sanaciju (rehabilitaciju) lokalnih i nerazvrstanih cesta na području Tuzlanskog kantona- NE OTVARATI“, svakim radnim danom od 7,30 h do 16,00 h.

Broj: 02-04-383-2/21

DIREKTOR

Tuzla, 22.11.2021. godine.

Zijad Omerčić, dipl.pravnik